

新城縣志



新城縣志目錄

卷之一 圖式志

縣境圖 縣城圖 縣治圖 學宮圖 諸河圖（原缺）

卷之二 方輿志

分野 疆域 四至 八景 形勝 沿革 山川

河議 風俗

卷之三 建置志

縣治 城池 官衙 學宮 學田 壇廟 寺觀

行署 鎮鄉 街市 村莊 橋梁 坊表

部鋪

卷之四 食貨志

戶口 土田 歲賦 徭役 馬價 鹽鈔

馬政 物產

卷之五 典禮志

公式 祀典 鄉飲 鄉射 賓興

卷之六 官師志

縣尹 監縣 主簿 典史 縣尉 知縣 縣丞

主簿 典史 教諭 訓導

卷之七 選舉志

徵辟 進士 舉人 恩選 歲貢 武秩 例貢

吏掾

卷之八 人物志

名賢 寓賢 封爵 善行 孝友 隱逸 壽耆

貞節

卷之九 恩恤志

封贈 祭葬 錄廕

卷之十 綸音志

勅諭 誥命 勅命 諭祭文

卷之十一 綜纖志

災祥 古迹 丘墓 仙釋 雜識

卷之十二藝文志上

奏議記

卷之十三藝文志中

傳序

卷之十四藝文志下

贊詞文詩吟歌疏誄

新城縣志卷之五 典禮志

叙曰：尼父有言，人之所以生，禮爲大，非禮無以事天地之神，辨君臣長幼之位。又曰：治國而無禮，譬猶瞽之無相，俛俛乎其何之？我

太祖高皇帝御極之初，首命儒臣定擬三禮。明年再命集議。又明年，遍徵草澤道德文章之士，相與參訂爲一代之制。今布在郡邑，可考鏡也。是故公式以遵君而肅臣，祠祀以報功而崇德，賓興以論秀籲俊，而飲射以尚齒序賢，凡皆禮之大者。夫鉅典昭垂，炳焉星日，臣民觀法，奉若筮龜，可弗紀與！作典禮志。

公式

祝延

聖壽

知縣率僚屬，設儀仗，具朝服。先一日，習儀於興教寺。至日黎明，於縣衙行慶賀禮如制。

正旦

冬至（同）

開讀

詔敕

知縣率僚屬、鄉宦、生員，設儀仗，具朝服，出郭迎接，行五拜三叩頭禮。導至衙宇行禮如制。

儀仗

御幄

龍亭、香亭、椅各一，扇四，傘戟、戟斨、戈斨、班劍、儀刀、五杖、立瓜、卧瓜、骨朵、蹬杖、斧、響節、令旗、清道

各二，鉦一，鼓十一。天兵六十一，冠、袍、帶並如其數。

日食知縣率僚屬，具朝服，於縣伐鼓，行救日禮。

月食知縣率僚屬，具朝服，於縣伐鼓，行救月禮。

鞭春立春先一日，有司迎春於東郊。至日具朝服，行鞭春禮。

新官上任先一日，致齋於城隍廟。至日，祭城隍畢，詣縣具公服行謝恩禮。行參見禮，諭僚屬，公移，饗官屬

父老。

祀典

大成殿祀

先師孔子四配東西侍。十哲次。七十二子及先儒列兩廡。歲以春、

秋二仲月上丁日舉事。凡祭，先師用帛一、鹿一、羊一、豕一、爵三、登一、鉶一、簠一、簋一、

籩八、豆八；四配共用羊一、豕一，各帛一、爵二、登一、鉶二、簠一、簋一、籩六、豆六；十哲共用帛二、豕二，各爵一、鉶一、簠一、簋一、籩四、豆四；兩廡，每廡共用帛一、豕一，每四壇共用爵四、簠一、簋一、豆四。

啓聖祠祀

啓聖孔公以四氏配

顏無繇、魯黜孔鯉、孟孫氏。

從食者四人

周輔成、程珦、朱松、蔡元定，

祭品視十哲。凡祀先聖曰，先祀啓聖祠。

國初定祀典，孔子及諸賢封爵，俱仍舊。嘉靖庚寅，世宗用輔臣言，改正禮制。稱孔子曰至聖先師。孔子四配曰

復聖顏子，宗聖曾子，述聖子思子，亞聖孟子。十哲以下曰先聖某子。左丘明以下曰先儒某子。別祀叔梁紇於啓聖祠，配以四氏，及周、程等四人。申黨即申枏，祀止存枏。罷公伯寮、秦冉、顏何、荀況、戴聖、劉向、賈逵、馬融、何休、王肅、王弼、杜預、吳澄，十三人。增祀后蒼、王通、歐陽修、胡瑗四人。林

放、蘧瑗、鄭衆、廬植、鄭玄、服虔、范寧七人，各祀其鄉。徹諸像易以木主，籩豆各損其四，遂爲定制。隆慶辛未，增祀本朝薛瑄。萬曆甲申，增祀本朝王守仁、陳憲章、胡居仁，俱於兩廡。

文昌祠

祀梓童帝君。

名宦祠

祀知縣張輝、張恕、杜忠、劉舉、趙文炳，教諭陳端、鄭中孚。

鄉賢祠

祀教諭畢理、少卿于璧、教諭于奎、布政李延壽、尚書畢亨、御史劉溥、同知于利、郎中李鏜、都御史畢昭、僉事巴思明、知府宋銳、教諭王麟、經歷王耿光、少卿王重光、尚書王之垣、學正耿錞、員外郎王之輔、司業沈淵、同知王之城、參議耿鳴世、按察使王之猷、知府王之都、布政使王象坤。

社稷壇

北向，社右稷左。歲以春、秋仲月上戊日，陳主而祭。凡祭，各帛一、羊一、豕一、爵三、登一、鉶二、簠

二、簋二、籩四、豆四。

風雲雷雨山川壇

南向，中爲風雲雷雨，左山川，右城隍。歲以春、秋仲月上巳日，陳主而祭。凡祭，共

用帛七，牲視社稷加二之一，爵與鉶、登、簠、簋、籩、簠、豆亦如之。

城隍廟

歲以春、秋仲月，同祭於山川壇，每厲祭則主之。

邑厲壇

祭以清明、中元、十月朔，凡三。先期，縣官告於城隍，厥明導城隍於壇，榜無祀鬼魂列壇下，祭用羊三、豕三、果蔬各四、飯羹各數十、酒如之。

鄉厲壇

久廢，宜復。

八蜡廟

祀先穡、司穡、百蟲、農、郵表畷、猫虎、坊、水庸之神。祭用十二月初八日。

馬神廟

歲以春、秋仲月上巳日，祀馬祖、馬步、馬社、先牧之神。禮如社稷。

旗纛

祭以驚蟄、霜降二節。

玄極廟

祭用三月三日、九月九日。

三官廟

祭用正月十四、十六日。

東嶽廟

祭用三月二十八日。

關帝廟

祀漢前將軍漢壽亭侯，今改封伏魔大帝。關公。每歲五月十三日，以帝生辰祭。

泰山行宮

祭用三月十五日。

顏神行宮

邑人祭。

洪廟

邑人祭。

趙公生祠

邑人尸祝知縣趙公文炳以識去思善政，載碑記。

忠勤祠

祀貴州參議王公重光。春、秋二丁，縣學致祭。每季祭品銀一二兩，掃夫二兩。

鄉飲

鄉飲禮

正月朔，十月朔，有司就明倫堂舉行。延邑中有齒德者爲賓，歌鹿鳴，舉行如制。

鄉射

鄉射禮

射圃舊設於儒學街南。今其地見存，但射禮久廢，宜復。

賓興

生員應試

禮餞送至郊，遣馬送至府。

舉人報捷

樹旗送扁，夫馬往役。

郊迎

金鼓旗隊，結彩導行。

釋菜

詣儒學，謁先師，行禮如制。

赴宴

經天開文運坊，赴鹿鳴嘉宴，以次行禮，歌鹿鳴諸詩。

歸第

導行如來儀。

會試如鄉試

禮，少隆。

進士加隆。

貢士次之。

論曰：古者神人雜處，而民用惑，故秩祀有恒，非禮不享。有土者，祭其封內，肥腴豐潔，而祝史正詞，無有諂也，無有瀆也。第不愛牲玉，令鬼無餒，而不爲厲耳。

國家祀典，首重先師，次壇壝，而捍患禦災，以次及之。至於祝釐賓興，飲賓觀德，厥有常典。倘禮之弗講，使閭里之間不聞忠義孝慈之教，安所稱崇化導民意乎！歐陽文忠所爲致慨於虛文也。禁亂所由生，止邪於未形，使教

化行，而禮教興，非司牧者責歟！

新城縣志卷之六 官師志

叙曰：剖竹作宰，上應列宿。守令之於民，最稱親近。凡邑中教化、風俗、刑名、錢穀，及一切米鹽零雜瑣屑之務，令實司之。宣德意而致之民，簿暨尉與有勞勲焉。若夫胥教誨勤督課，使青青子衿修德礪行，處席珍而出國寶，職教鐸者烏可自菲薄也。作官師志。

元

設縣尹壹員，用漢人；監縣壹員，用胡人。凡縣尹用印訖封識，付監縣收掌。主簿、典史、縣尉各壹員。

縣尹

張

晉張元帥子，施地建學。有記。

楊

溫景州人，至元二年任。始建學，塑聖像。有記。

王

成至元年任。見三教廟碑。

張

顯至元年任。見三教廟碑。

張

成至元年任。見三教廟碑。

仇

香修學。見碑記。

呂

德修學。見碑記。

鄭

公薦孫可特。

呂

溫修學。見碑記。